



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant**

**Segneri, Paolo**

**Dilingæ, 1699**

V. Quis poterit habitare de vobis cum igne de vorante? Is. 33. 14.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

*Quis poterit habitare de vobis cum igne devorante? Il. 33. 14.*

1. Considera ignem infernalem dici devorantem, non quod quemquam consumat aliquando, sed ad denotandam aviditatem, quâ adheret, activitatem, quâ laborat, & acerbitatem, quâ urit, non relinquendo vel minimam particulam damnati, cujus non faciat, ut ita loquar, horrendam stragem. Ceterum si consumeret, non diceretur in illo igne esse habitatio: *Quis poterit habitare?* stude igitur primo intelligere rabiem, quâ ignis ille agit uritque perpetuo. Nollet ignis depascitur, sed non devorat, quia sensum agit, nisi summus existat. Ille verò momento totum facit, & cum eadem aviditate, activitate, & acerbitate, quâ initio agit in quemcumque damnatorum, æternum aget, quin de furore suo vel minimum remittat. quia *status Domini sicut torrens sulphuris succendit eum.* Quid ergo fiet infelicissimo populo, cui continger illum experiri? *In ira Domini exercituum,* inquit *Isaias, erit populus quasi esca ignis. 9. 19.* Non dicit *Esca* sine addito, quia populus ille nunquam consumetur ab igne. Sed *quasi esca*, quia non poterit vel minimum resistere, tam apta erit ustioni materia.

2. Considera, quàm sit res horrore plena habere in medio talis ignis habitationem, hoc est, domicilium perpetuum. Si tu condemnatus esses ad commorandum semper in carcere, cu-

jus pavimento esset ex igne, patient ex igne, lectum ex igne, nec acris aliam, quem spirares, nisi itidem ex igne, qui mens tibi foret? & tamen iste non ster ignis, illi comparatus, est quâ ignis depictus. Quid erit igitur igne adeò dolorifero non modo circumstanti quasi muro, sed ipsa viscera torrens, ita ut ipse habitet in igne, & ignis in te habitet, quemadmodum ferro accidit, quod in fornace non discernitur ab igne, quia ignis est in ferro, & in igne ferrum. Vel non credis, id, quod dico, velles stultus, si pro ullâ re hujus mundi, pro sensu impuræ voluptatis, pro luero aliquo, aut honore vano te exponas discrimini, ne compingaris in habitationem, qualis hæc est, omnibus seculis intolendam.

3. Considera, quantumvis damnatis omnibus hoc modo in igne commorandum sit, attamen non dici: *quis poterit habitare de vobis in igne devorante, sed cum igne.* Ut hinc singulariter exciteris ad cognoscendum horrorem inferni. Quis esset horror, si versandum tibi foret in caveâ ferarum *cum Pardo devorante, cum lupo devorante, cum leone devorante, cum Tygride devorante?* nunc ergo cogita, quid sit versari *cum igne devorante.* Imaginare tibi in inferno non defuturas has feras, aliâsque innumeras, quæ terribilem faciant tui lanienam, sed has quoque futuras igneas, & ideo majore

maiore rabie scivitas. Imò finge tibi damnatorum quemlibet fore ignitum, uti tu es, quis horror erit habitare cum illis? nunc intelligi potest, quomodo revera unus damnatus depascatur alterum: *unusquisque carnem brachii sui vorabit: Manasses Ephraim, & Ephraim Manassem.* Il. 9. 20. Quia unusquisque erit ignis devorans, sicut ligna, quæ in ingenti cumulata furno invicem devorant urendo, nisi quod devorent quidem, sed non habeant eam rabiem devorandi, qualis inter damnatos invenitur. Inunc, & dic, si ad infernum mittaris a DEO, te non fore solum, an ergo putas tibi solatio futurum multos tibi habere socios dolorum?

4. Considera ad hæc, nõ dici *cum igne ardente, cum igne adurente, sed cum igne devorante*, ne, si illis vocibus utatur, ignem imagineris luminosum. Proinde bene intelligere oportet, ignem istum tantum habere, quod cruciat, seu vim devorandi, non habere, quod delectat, seu vim splendendi. Solus fumus, qui de tanto incendio perpetuo ascendit, sufficiet ad generandam noctem æternam, neque ea nox ab ullâ flammâ unquam illustrari potest, quia ibi erit *Vox Domini intereidentis flammam ignis.* Lege Divinâ sancietur, ut flamma virtutem habeat dimidiatam, nempe urendi ad cœnalem dolorem, non splendendi ad af-

ferendam oblectamentum. Nunc igitur perpende, quid sit æternum ardere in caliginetam densâ; O si fumus ille saltem suffocare possit aliquando! Sed nec istud quidem. Excrecabit, & affliget, sed nunquam tollet vitam: *Fumus tormentorum corum ascendet in secula seculorum.* Apoc. 14. 11. Si fumus tormentorum erit perpetuus, necesse est etiam tormenta esse perpetua, quibus ille nutritur.

5. Considera, quidquid hætenus est dictum, etiam tibi facile posse evenire. Unde ista non sunt ponderanda, quæ ad te minime pertineant, sed ad solos gentiles aut hereticos spectent. *Quis poterit habitare de vobis cum igne devorante? de vobis, dico, qui estis hodie verus populus Israël? de vobis Christianis? de vobis Catholicis? aut forte nemo horum erit, qui sit periturus? O quam multi, quam multi! tu igitur cogita, quid accidere tibi possit. An putas satis tibi virium esse, ut in igne tanto persistas? poteris habitare? Ecce! quam sis delicati sensus, ut etiam stragulis offendaris durioribus. Quid igitur facies cum igne miser, & cum igne etiam devorante?*

